

Publicaziuns officialas dils 15 d'uost 2025

Vischnaunca Trun

Damonda da baghegiar

Datum da publicaziun: 15-08-2025

Petenta: Ursula Hollenstein Via Cavilan 2 7168 Schlans

Representant: Toni Pfister Via dil Vitg 9A 7168 Schlans

Object: Midada d'intent d'ina part dil clavau en ina cascharia sin parcella 6297 a Schlans

Zona: Zona dil Vitg (V)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprapostanza communal Trun.

Administraziun communal Trun

Serrada via Munt muort tagl da lenna

A partir dils 18 d'uost 2025 ei la via da Munt suenter la barriera serrada per il traffic motorisau muort in tagl da lenna en la Val Runtgin. La lenna vegn raccolta cun la suga ord igl uaul. Cunquei ch'il plaz ei restrenschius sto la via vegnir serrada. Ei vegn sespruau da tener liber la via durant la fin d'jamna. Naven da gievgia ils 28 d'uost 2025 duess la via puspei esser aviarta per il traffic. En cass urgents e motivai eis ei da prender contact cun il selvicultur Carlo Monn (081 920 20 46) ni cun il responsabel per il tagl da lenna David Solèr (079 754 31 55). Nus engraziein per vossa capientscha.

Uffeci forestal Trun Solèr Holz AG

Sera da film e cudisch 600 onns Ligia Grischa

Fiastetta da finiziun digl onn festiv centenar: Sonda, ils 22-11-2025 allas 19.00 uras el center communal Ei vegn mussau per l'emprema ga il film dallas festivtads 600 onns Ligia Grischa. Plinavon ha liug la vernissascha dil cudisch da fotografias cun pusseivladad da comprar quel. Silsuenter vegn purschiu in aperitiv en sala da cultura. La suprapostanza communal envida coridalmeyn l'entira populaziun sco era tuttas gidontras e tuts gidonters dallas differentas occurrenzas.

Suprapostanza communal Trun e gruppa da lavur «Sut igl Ischi 2024»

Sessiun dil cussegl da vischnaunca

Gliendisdis, ils 25-08-2025 allas 19.30 ell'aula dalla casa da scola

Tractandas

1. Approbaziun dil protocol dalla sessiun dils 28-04- 2025
2. Moziun da cussegliera Caroline Demont « Dapli segirtad pil traffic plaun ! »
3. Approbaziun dalla lescha davart il parcar sin intschess communal da Trun, dall'ordinaziun tier la lescha davart il parcar sin intschess communal e dall'annexa dall'ordinaziun tier la lescha davart il parcar sin intschess communal da Trun
4. Damonda dalla Corporaziun Alp Nadels per ina contribuziun da frs. 100'000.- vid la sanaziun dil davos tschancun dalla via Nadels
5. Pusseivladad da tschentar damondas

Administraziun communal Trun

Avis da carrar via Munt

A partir dils 18 d'uost 2025 entscheivan las lavurs da construcziun vid il butschin d'aua da fiug a Munt Dado. Las lavurs cuozzan rodund sis jamnas. Duront quei temps eis ei da quintar cun traffic da camiuns sin la via da Munt. En cass da damondas dat il selvicultur sclariment (081 920 20 46).

Uffeci forestal Trun